



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Broj, 04 15-02-1712/23

Datum, 5.6.2023. godine

Predstavnički dom Parlamenta Federacije BiH
Komisija za zaštitu ljudskih prava i sloboda
n/r gđin Mirsad Čamdžić, predsjednik

Dom naroda Parlamenta Federacije BiH
Komisija za zaštitu ljudskih prava i sloboda
n/r gđa Miomirka Melank, predsjednica

PREDMET: Prijedlog Odluke o izmjeni Odluke o imenovanju članova Vijeća nacionalnih manjina Federacije BiH ("Službene novine Federacije BiH", broj 25/22)

Poštovani,

članom 5. stav 2. Statuta Vijeća nacionalnih manjina Federacije Bosne i Hercegovine ("Službene novine Federacije BiH", broj 111/12) propisano je da: "U opravdanim slučajevima Parlament FBiH tokom trajanja mandata Vijeće može provesti postupak zamjene člana Vijeća na prijedlog komisija za ljudska prava i slobode oba doma Parlamenta FBiH, a na osnovu prethodno datih prijedloga od udruženja nacionalne manjine, odnosno Vijeća."

Dana 22.12.2022. godine, članovi Vijeća nacionalnih manjina Federacije BiH (u daljem tekstu: Vijeće), Violeta Džolan (Rumunka), Dejan Piotrovski (Poljak), Velibor Kuvač (Nijemac) i Davor Ebner (Austrijanac) podnijeli su kolektivnu, neopozivu ostavku na svoje članstvo u Vijeću.

Shodno svom Statutu Vijeće je zatražilo od udruženja nacionalnih manjina koja su predložila imenovane u Vijeće da predlože njihove zamjene. Nakon što su provedene interne procedure u udruženjima, te dostavljene podaci o zamjenskim članovima Vijeća, Vijeće je sačinilo prijedlog Odluke o izmjeni Odluke o imenovanju članova Vijeća nacionalnih manjina Federacije BiH.

Spomenuti prijedlog dostavljamo u prilogu te ljubazno molimo da isti uputite u parlamentarnu proceduru.

S poštovanjem,

Dostaviti:

- Naslovu
- Vijeću nacionalnih manjina FBiH
- a/a

5.6.2023.



Na osnovu člana 152. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20) i člana 143. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), člana 5. stav 2. Statuta Vijeća nacionalnih manjina Federacije Bosne i Hercegovine ("Službene novine Federacije BiH", broj 111/12), Parlament Federacije Bosne i Hercegovine, na sjednici Predstavničkog doma, održanoj __. __. 2023. godine, i na sjednici Doma naroda, održanoj __. __. 2023. godine, donio je

**ODLUKU O IZMJENI
ODLUKE O IMENOVANJU ČLANOVA VIJEĆA NACIONALNIH
MANJINA FEDERACIJE BOSNE I HERCEGOVINE**

I

Ovom odlukom mijenja se Odluka o imenovanju članova Vijeća nacionalnih manjina Federacije Bosne i Hercegovine ("Službene novine Federacije BiH", broj 25/22).

II

U članu 2. stav 1. u tački 10. riječi: "Violeta Džolan - Rumunka" zamjenjuju se riječima: "Ivan Džolan - Rumun".

U tački 16. riječi: "Dejan Piotrovski - Poljak" zamjenjuju se riječima: "Karolina Atagić - Poljakinja".

U tački 19. riječi: "Velibor Kuvač - Nijemac" zamjenjuju se riječima: "Željka Stantić - Njemica".

U tački 21. riječi: "Davor Ebner - Austrijanac" zamjenjuju se riječima: "Sanja Levicki - Austrijanka".

III

Ova Odluka stupa na snagu danom donošenja i bit će objaljena u "Službenim novinama Federacije BiH".

PF BiH broj __. __. __. /23

__, __. 2023. godine

Sarajevo

Predsjedavajuća
Predstavničkog doma
Parlamenta Federacije BiH
Mirjana Marinković-Lepić, s. r.

Predsjedavajući
Doma naroda
Parlamenta Federacije BiH
Tomislav Martinović, s. r.

Obrazloženje

Odlukom o Vijeću nacionalnih manjina Bosne i Hercegovine ("Službeni glasnik BiH", broj 10/21) propisano je da: "kandidat (za članstvo u Vijeću nacionalnih manjina BiH) mora dostaviti Izjavu o odricanju od prava na članstvo u drugim vijećima nacionalnih manjina na bilo kojem nivou vlasti u Bosni i Hercegovini u slučaju izbora u Vijeće, s obzirom na to da kandidat ne može istovremeno biti član drugog vijeća nacionalnih manjina na bilo kojem nivou vlasti u Bosni i Hercegovini".

Odlukom o imenovanju članova Vijeća nacionalnih manjina BiH ("Službeni glasnik BiH", broj 50/22), nakon provedene procedure imenovanja, u Vijeće nacionalnih manjina BiH imenovani su: Violeta Džolan (Rumunka), Dejan Piotrovski (Poljak), Velibor Kuvač (Nijemac) i Davor Ebner (Austrijanac).

Po imenovanju u Vijeće nacionalnih manjina BiH, imenovani su podnijeli ostavke na članstvo u Vijeću nacionalnih manjina Federacije BiH. Na svojoj prvoj narednoj sjednici Vijeće nacionalnih manjina Federacije BiH odbilo je prihvatiti ostavke te je zauzelo stav da je gore-citirana odredba Odluke o Vijeću nacionalnih manjina Bosne i Hercegovine diskriminatorna, i kao takva neustavna, budući da ne uzima u obzir činjenicu administrativno-teritorijalne organizacije Bosne i Hercegovine, budući da u nepovoljniju poziciju stavlja pripadnike nacionalnih manjina iz Federacije BiH-kandidate za članstvo u Vijeću nacionalnih manjina BiH, u odnosu na pripadnike nacionalnih manjina-kandidate iz Republike Srpske.

Konstatovana je neophodnost pokretanja inicijative za izmjenu i dopunu Odluke o Vijeću nacionalnih manjina Bosne i Hercegovine, odnosno predlaganje podnošenja zahtjeva za ocjenu ustavnosti ove odluke od strane ovlaštenog podnosioca.

Kako ne bi ugrozili svoje članstvo u Vijeću nacionalnih manjina BiH, dana 22.12.2022. godine, imenovani su podnijeli (novu, ovog puta) neopozivu, kolektivnu ostavku na članstvo u Vijeću nacionalnih manjina Federacije BiH o čemu je sačinjena službena zabilješka u prisustvu predsjedavajuće Vijeća nacionalnih manjina Federacije BiH.

Budući da Vijeće nacionalnih manjina Federacije BiH veoma često ima poteškoće sa nedostatkom kворuma za održavanje svojih sjednica, sa predsjedavajućom Vijeća nacionalnih manjina Federacije BiH je dogovoreno da imenovani članovi u ostavci nastave obavljati svoje funkcije do imenovanja zamjenskih članova shodno članu 5. stav 2. Statuta Vijeća nacionalnih manjina Federacije Bosne i Hercegovine ("Službene novine Federacije BiH", broj 111/12), a sve u svrhu održanja kontinuiteta rada Vijeća nacionalnih manjina Federacije BiH.

Nakon provedene procedure predlaganja zamjenskih članova, Vijeće nacionalnih manjina Federacije BiH je sačinilo prijedlog Odluke o izmjeni Odluke o imenovanju članova Vijeća nacionalnih manjina Federacije BiH.